

古今圖書集成

中国学术类编

銓衡典

(二)

欽定古今圖書集成經濟彙編銓衡典

第三十七卷目錄

官制部彙考十五

唐三

銓衡典第三十七卷

官制部彙考十五

唐三

按唐書百官志大理寺卿一人從三品少卿二人從五品下掌折獄詳刑凡罪抵流死皆上刑部覆於中書門下繫者五日一慮

龍朔二年改曰詳刑寺武后光宅元年改曰司

刑寺中宗時廢獄丞有府二十八人史五十六人司直史十二人評事史二十四人獄史六人亭長

四人掌固十八人問事百人

正二人從五品下掌議獄正科條凡丞斷罪不當則打法正之五品以上論者佐決過幸則留總持寺事丞六人從六品上掌分判寺事正刑之輕重徒以上四則呼典家屬告罪問其服否

主簿二人從七品上掌印省署鈔目句檢稽失凡官吏抵罪及雪免皆立簿私罪贖銅一斤公罪二斤皆為一負十負為一股每歲吏部兵部陳覆選人殿負錄報焉

獄丞二人從九品下掌率獄史知囚徒賁賤男女異獄五品以上月一沐暑則置樂禁紙筆金刃錢物杵

挺入者因病給醫藥重者脫械鎖家人入侍

司直六人從六品上評事八人從八品下掌出使推按凡承制推訊長吏當停務禁錮者請魚書以往錄事二人

鴻臚寺卿一人從三品少卿二人從四品上丞一人從六品上掌賓客及凶儀之事領典司儀二署凡

四番君長以蕃望高下為簿朝見辨其等位第三等居武官三品之下第四等居五品之下第五等居六

品之下有官者居本班御史察食料二王後外國君長襲官爵者辨嫡庶諸蕃封命則受冊而往海外諸

蕃朝賀進貢使有下從留其半於境縣海路朝者廣州擇首領一人左右二人入朝所獻之物先上其數

於鴻臚凡客還鴻臚籍衣膏賜物多少以報主客給過所蕃客奏事具至日月及所奏之宜方別為狀月

一奏為簿以副藏鴻臚獻馬則殿中太僕寺遊閱良者入殿中驚病入太僕獻藥者鴻臚寺驗覆少府監

定價之高下鷹狗約無估則鴻臚定所報輕重凡獻物皆客執以見駝馬則陳于朝堂不足進者州縣

留之皇帝皇太子為五服親及大臣發喪臨弔則卿贊相大臣一品葬以卿護二品以少卿三品以丞皆

司儀示以禮制主簿一人從七品上錄事二人龍朔二年改鴻臚寺曰同文寺武后光宅元年改

曰司賓寺有府五人史十人亭長四人掌固六人典客署令一人從七品下丞三人從八品下掌二王

後介公鄭公之版籍及四番歸化在藩者朝賀宴享

送迎皆預焉會集首領朝見者給果食病則遣醫給湯藥長則給以所須還蕃賜物則佐其受領教拜謝之節

有典客十三人府四人史八人掌固二人

掌客十五人正九品上掌送迎蕃客額在傳舍司儀署令一人正八品下丞一人正九品下掌司禮喪葬

之具京官職事三品以上散官二品以上祖父父母長職事散官五品以上都督刺史卒于京師及五

品死王事者將葬祭以少牢宰蕭郎執俎豆以往三品以上贈以束帛黑一纁二品加乘馬既引遣使

贈於郭門之外皆有東帛一品加璧五品以上葬給管墓夫

有司儀六人府二人史四人掌設十八人齋郎三十人掌固四人幕士六十人

司農寺卿一人從三品少卿二人從四品上掌倉儲委積之事總上林太倉餉廩官四署及諸倉司竹

諸湯宮苑鹽池諸屯等監凡京都百司官吏祿粟朝會祭祀所須皆供焉籍田則進耒耜

丞六人從六品上總判寺事凡租及糴糶至京都者閱而納焉官奴婢有技能者配諸司婦人入掖庭

以類相偶行宮監牧及屬王公主皆取之凡華生雜畜以戶奴婢課養得口則配軍使始至給果食主

簿二人從七品上錄事二人龍朔二年改司農寺曰司稼寺有府三十八人史

七十六人計史三人亭長九人掌固七人上林署令二人從七品下丞四人從八品下掌苑園

園池植果蔬以供朝會祭祀及尚食諸司常料季冬

古今圖書集成

藏冰千段先立春三日納之冰井以黑牡桂黍祭司
寒仲春啓冰亦如之監事十人

有府七人史十四人典事二十四人掌固五人

太倉署令三人從七品下丞五人從八品下監事八
人掌藏穀之事

有府十人史二十人典事二十四人掌固八人

鈎盾署令二人正八品上丞四人正九品上監事十
人掌供薪炭鵝鴨蒲蘭陂池鼓澤之物以給祭祀朝

會祭燕賓客

有府七人史十四人典事十九人掌固五人

鑾官署令二人正八品下丞四人正九品上監事十
人掌選擇米麥凡九穀皆隨精盛差其耗損而供焉

有府八人史十六人典事二十四人掌固五人初
有御細倉督餉劉倉督貞觀中省

太原丞曹龍門等倉每倉監一人正七品下丞二人
從八品上掌倉廩儲積凡出納帳籍歲終上寺

有錄事一人府三人史六人典事八人掌固六人

龍門等倉減府一人史典事掌固各減二人

司竹監一人從六品下副監一人正七品下丞二人

正八品上掌植竹華供官中百司簾籠之屬歲以筭
供尚食

有錄事一人府二人史四人典事三十人掌固四
人華園匠一百人

慶善石門溫泉湯等監每監監一人從六品下丞一
人正七品下掌湯池宮禁防堰及侍果務脩調度以

備供奉王公以下湯館視貴賤為差凡近湯所潤瓜
蔬先時而熟者以薦殿廟

有錄事一人府一人史二人掌固四人

京都諸宮苑總監監各一人從五品下副監各一人

從六品下丞各二人從七品下主簿各二人從九品

上掌苑內官館園池禽魚果木凡官屬人畜出入皆
有籍

有錄事各二人府各八人史各十六人亭長各四
人掌固各六人獸醫各五人

京都諸園苑監苑四面監監各一人從六品下副監
各一人從七品下丞各二人正八品下掌完葦苑面

宮館園池典種蒔藝養六畜之事

顯慶二年改青城宮監曰東都苑北面監明德宮
監曰東都苑南面監洛陽宮農圃監曰東都苑東

面監倉貨監曰東都苑西面監有錄事各一人府
各三人史各六人典事各六人掌固各六人

九成宮總監監一人從五品下副監一人從六品下
丞一人從七品下主簿一人從九品上掌修完宮苑

供進鍊餌之事

有錄事一人府三人自監以下品同宮苑武德初
改隋仁壽宮監曰九成宮監

諸鹽池監監一人正七品下掌鹽功簿帳

有錄事一人史二人

諸屯監一人從七品下丞一人從八品下掌管種屯
田旬會功課及畜產帳簿以水旱蠲蝗定課屯主勸

率營農督牧地課

有錄事一人府一人史二人典事二人掌固四人

每屯主一人屯副一人主簿一人錄事一人府三
人史五人

太府寺卿一人從三品少卿二人從四品上掌財貨
農藏貿易總京都四市左右藏常平七署凡四方貢
賦百官俸秩謹其出納賦物任土所出定精麤之差
祭祀幣帛皆供焉

龍朔二年改太府寺曰外府寺武后光宅元年改
曰司府寺中宗即位復曰太府寺有府二十五人

史五十人計史四人亭長七人掌固七人

丞四人從六品上掌判寺事凡元日冬至以方物陳
于庭者受而進之會屬及別勅六品以下賜者給於

朝堂以一人主左右藏署帳凡在署為簿在寺為帳
三月一報金部主簿二人從七品上掌印省鈔目旬

檢稽失平權衡度量歲以八月印署然後用之錄事
二人

南京諸市署令一人從六品上丞二人正八品上掌
財貨交易度量器物辨其真偽輕重市肆皆建標案

土為侯禁樵固及參市自隨者凡市日中擊鼓三百
以會衆日入前七刻擊鼓三百而散有乘輿過違平

貨物為三等之直十日為簿車馬行幸則立市于頓
側互市有衛士五十人以察非常

有錄事一人府三人史七人典事三人掌固一人

左藏署令三人從七品下丞五人從八品下監事八
人掌錢帛雜絲天下賦調卿及御史監閱

有府九人史十八人典事十二人掌固八人

右藏署令二人正八品上丞三人正九品上監事四
人掌金玉珠寶銅鐵骨角齒毛採畜

有府五人史十二人典事七人掌固十人

常平署令一人從七品上丞二人從八品下監事五

人掌平糶倉儲出納

有府四人史八人典事五人掌固六人顯慶三年
置署武后時東郊亦置署

國子監祭酒一人從三品司業二人從四品下掌儒
學訓導之政總國子大學廣文四門律書算凡七學
天子親學皇太子齒則講義釋奠執經論議奏京
文武七品以上觀禮凡授經以周易尚書周禮儀禮
禮記毛詩春秋左氏傳公羊傳穀梁傳各為一經兼
習孝經論語老子莊子終終考學官訓導多少為殿最
丞一人從六品下掌判監事每歲七學生業成與司
業祭酒試登第者上於禮部

主簿一人從七品下掌印句督監事七學生不卒教
者舉而免之錄事一人從九品下

武德初以國子監曰國子學隸太常寺貞觀二年
復曰監龍朔二年改國子監曰司成館祭酒曰大
司成司業曰少司成咸亨元年復曰監垂拱元年
改國子監曰成均監有府七人史十三人亭長六
人掌固八人

國子監博士十五人正五品上掌教三品以上及國公
子孫從二品以上曾孫為生者五分其經以為業周
禮儀禮禮記毛詩春秋左氏傳各六人暇則習隸
書國語說文字林三倉爾雅每歲通經末仕者上
於監秀才進士亦如之學生以長幼為序習正業之
外教吉凶二禮公私有事則相儀

龍朔二年改博士曰宣業有大成十人學生八十
人典學四人廟幹二人掌固四人東都學生十五
人

助教五人從六品上掌佐博士分經教授
直講四人掌佐博士助教以經術講授

五經博士各三人正五品上掌以其經之學教國子
周易尚書毛詩左氏春秋禮記為五經論諸孝經爾
雅不立學官附中經而已

太學博士六人正六品上助教六人從七品上掌教
五品以上及郡縣公子孫從三品曾孫為生者五分
其經以為業每經百人

有學生七十人典學四人掌固六人東都學生十
五人

廣文館博士十四人助教二人掌領國子學生業進士
者

有學生六十人東都十人天寶九載置廣文館有
知進士助教後罷知進士之名

四門館博士六人正七品上助教六人從八品上直
講四人掌教七品以上侯伯子男子為生及庶人子
為俊士生者

有學生三百人典學四人掌固六人東都學生五
十人

律學博士三人從八品下助教一人從九品下掌教
八品以下及庶人子為生者律令為領業兼習格式
法例

隋律學隸大理寺博士八人武德初隸國子監尋
廢貞觀六年復置顯慶三年又廢以博士以下隸
大理寺龍朔二年復置有學生二十人典學二人

元和初東都置學生五人
書學博士二人從九品下助教一人掌教八品以下

及庶人子為生者石經說文文字林為領業兼習餘書
武德初廢書學貞觀二年復置顯慶三年又廢以
博士以下隸秘書省龍朔二年復有學生十人典
學二人東都學生三人

算學博士二人從九品下助教一人掌教八品以下
及庶人子為生者二分其經以為業九章海島孫子
五曹張丘建夏侯陽周髀五經算綴術緝古為領業
兼習記遺三等數凡六學東修之禮督課試舉皆如
國子學助教以下所掌亦如之

唐廢算學顯慶元年復置三年又廢以博士以下
隸太史局龍朔二年復有學生十人典學一人東
都學生二人

少府監一人從三品少監二人從四品下掌百工技
巧之政總中尚左尚右尚織染掌冶五署及諸冶鑄
錢互市等監供天子器御后妃服飾及郊廟圭玉百
官儀物凡武庫袍履皆藏其輕重乃藏之冬至元日
以給衛士諸州市牛皮角以供用牧畜角筋屬羣悉
輸焉細鑄之工教以四年車路樂器之工三年平漫
刀稍之工二年矢鏃竹漆屈柳之工半焉冠冕弁幘
之工九月教作者傳家技四季以令丞試之歲終以
監賦之皆物勒工名

丞六人從六品下掌判監事給五署所須金石齒華
羽毛竹木所入之物各以名數州土為籍工役衆寡
難易有等差而均其勞逸主簿二人從七品下錄事
二人從九品上

武德初廢監以諸署隸太府寺貞觀元年復置龍
朔二年改曰內府監武后垂拱元年曰尚方室有

下人 監 卷 五

府二十七人史十七人計史三人亭長八人掌固六人短簪匠五百二十九人綾錦坊巧兒三百六十五人內作使役匠八十三人掖庭綾匠百五十人內作巧兒四十二人配京都諸司諸使雜匠百二十五人

中尚書令一人從七品下丞二人從八品下掌供郊祀圭璧及天子器玩后妃服飾彫文錯綵之制凡金木齒華羽毛任土以時而供教日燭金鑪於杜南竿長七丈有舞萬四尺黃金飾首銜綵綳長七尺承以綵盤雜以絳纒將作監供焉擊擗鼓千聲集百官父老囚徒坊小兒得難首者官以錢購或取絳纒而已歲二月獻牙尺寒食獻毯五月獻綬帶夏至獻雷車七月獻鉤針臘日獻口脂唯筆琴瑟絃月獻金銀盞紙非旨不獻製魚羹以給百官蕃客賜寶劍帶魚袋則授鴻臚寺丞主簿監作四人從九品下凡監作皆同品

有府九人史十八人典事四人掌固四人唐改內尚方署曰中尚方署武后改少府監曰尚方監而中左右尚方藏藥方掌治方五署皆去方以避監自是不改矣有金銀作坊院

左尚書令一人從七品下丞五人從八品下掌供養扇蓋徽五路五副七算十二車及皇太后皇太子公主王妃內外命婦王公之車路凡資素刻鏤與官中纓矩雜作皆領之監作六人

有府七人史二十人典事十八人掌固十四人右尚書令二人從七品下丞四人從八品下掌供十二開馬之轡每歲取於京兆河南府加飾乃進凡五

品三部之帳刀劍斧鉞甲冑紙筆席席履舄皆假其用皮毛之工亦領焉監作六人

有府七人史二十人典事十三人掌固十人織染署令一人正八品上丞二人正九品上掌供冠冕組綬及織紵色染錦羅紗綾綉綺縠布皆廣尺有八寸四丈為疋布五丈為端綿六兩為電絲五兩為鈎麻三斤為緞凡綾錦文織禁示於外高品一人專莅之歲奏用度及所織每掖庭經錦則給酒羊七月七日祭梓監作六人

有府六人史十四人典事十一人掌固五人

掌治署令一人正八品上丞二人正九品上掌范鎔金銀銅鐵及塗飾琉璃玉作銅鐵人得採而官收以稅唯鑪官市邊州不置鐵冶器用所須皆官供凡諸冶成器上數千少府監然後給之監作二人

有府六人史十二人典事二十三人掌固四人

諸治監令各一人正七品下丞各一人從八品上掌鑄兵農之器給軍士屯田居民唯典農冶鑄供隴右監牧監作四人

有錄事一人府一人史一人典事二人掌固四人

太原治減監作二人

諸鑄錢監各一人副監各二人丞各一人以所在都督刺史判焉副監二佐丞以判司監事以參軍及縣尉為之監事各一人

有錄事各一人府各三人史各四人典事各五人凡鑄錢有七監會昌中增至八監每道置鑄錢坊一大中初三監廢

互市監每監監一人從六品下丞一人正八品下掌

蕃國交易之事

隋以監隸四方館唐隸少府貞觀六年改交市監曰互市監副監曰丞武后垂拱元年曰通市監有錄事一人府二人史四人價人四人掌固八人將作監監一人從三品少監二人從四品下掌土木工匠之政總左校右校中校執官等署百工等監大明興慶上陽宮中書門下六軍仗舍閑廐之內作郊廟城門省寺臺監十一衛東宮王府諸廐謂之外作自十月距二月休治功自冬至距九月休土功凡治官廟太常擇日以開

丞四人從六品下掌判監事凡外營繕大事則聽制勅小事則須省符功有長短役有輕重自四月距七月為長功二月三月八月九月為中功自十月距正月為短功長上匠州率資錢以酬雇軍器則勅歲月與工姓名

武德初改令曰大匠少令曰少匠龍朔二年改將作監曰繕工監大匠曰大監少匠曰少監咸亨元年繕工監曰營繕監天寶十一載改大匠曰大監少匠曰少監有府十四人史二十八人計史三人亭長四人掌固六人短簪匠一萬二千七百四十四人明資匠二百六十人

主簿二人從七品下掌官吏糧料俸食假使必由之諸司供署監物有闕舉錄事二人從九品上左校署令二人從八品下丞一人正九品下掌梓匠之事樂縣算庫兵械長養雜物皆供焉宮室之制自天子至士庶有等差官修者左校為之監作十人有府六人史十二人監作十二人

右校署令二人從八品下丞三人正九品下掌版築塗泥丹堊屬之事有所須則審其多少而市之監作十人

有府五人史十人典事二十四人

中校署令一人從八品下丞三人正九品下掌供舟車兵械雜器行幸陳設則供竿柱閣懸繫棟則供行槽禱祀則供練葛內外營作所須皆取焉監牧車牛有年支芻豆則受之以給車坊監事四人

武后時改曰營繕署垂拱元年復舊尋廢開元初復置有府二人史六人典事八人掌固二人

甄官署令一人從八品下丞二人正九品下掌琢石陶上之事供石磬人賦碑柱礪磴瓶缶之器勅葬則供明器監作四人

有府五人史十人典事十八人

百工就谷庫谷料谷太陰伊陽監監各一人正七品下副監一人從七品下丞一人正八品上掌采伐材木監作四人

武德初置百工監掌舟車及營造雜作有監少監各一人丞四人主簿一人又置就谷庫谷料谷太陰伊陽五監貞觀中廢百工監高宗置百工署掌東都土木瓦石之功開元十五年為監有錄事二人府一人史三人典事二十人

軍器監監一人正四品上丞一人正七品上掌繕甲弩以時輸武庫總署二日弩坊二日甲坊主簿一人正八品下錄事一人從九品下

武德初有武器監一人正八品下掌兵仗廐牧少監一人丞二人主簿一人七年廢軍器監八年復

置九年又廢貞觀六年廢武器監開元以前軍器皆出在尚書三年置軍器監十一年復廢為甲弩坊隸少府十六年復為監有府八人史十二人亭長二人掌固四人

弩坊署令一人正八品下丞一人正九品下掌出納矛稍弓矢排弩刃鐵雜作及工匠監作二人

有府二人史五人典事二人貞觀六年改弓弩署為弩坊署甲鎧署為甲坊署

甲坊署令一人正八品下丞一人正九品下掌出納甲冑絞繩筋角雜作及工匠監作二人

有府二人史五人典事二人

都水監使者二人正五品上掌川澤津梁堰陂池之政總河渠諸津監署凡漁捕有禁溉田自遠始先稻後陸渠長斗門長節其多少而均焉府縣以官督察

丞二人從七品上掌判監事凡京畿諸水因灌溉盜費者有禁水入內之餘則均王公百官

主簿一人從八品下掌運漕漕捕程會而料舉之

武德初廢都水監為署貞觀六年復為監改令曰使者龍朔二年改都水監曰司津監使者曰都尉開元垂拱元年改都水監曰水衡監使者曰都尉開元二十五年不隸將作監有錄事一人府五人史十人亭長一人掌固四月初貞觀六年置舟楫署有令一人正八品下掌舟楫運漕正一人府三人史六人監漕一人漕史一人典事六人掌固八人上元二年置丞二人正九品下掌運漕隱失開元二十六年署廢

河渠署令一人正八品下丞一人正九品上掌河渠陂池隄堰魚鹽之事凡溝渠開塞濬捕時禁皆額之饗宗廟則供魚蟹祀昊天上帝有司攝事則供腥魚日供尚食及給中書門下歲供諸司及東宮之冬藏渭河三百里內漁釣者五坊捕治之供祀則自便橋至東渭橋禁民漁三元日非供祠不採魚

唐有河隄使者貞觀初改曰河隄謁者有府二人史六人典事三人每渠及斗門有長一人掌固三人魚師十三人初有監漕十人從九品上大曆後省與成五門六門龍首運堰滋隄凡六堰皆有丞一人從九品下府一人史二人典事一人掌固二人貞觀六年皆廢

河隄謁者六人正八品下掌完隄堰利溝漕通捕之事涇渭白渠以京兆少尹一人督視

諸津令各一人正九品上丞二人從九品下掌天下津濟舟梁滿橋承濟橋以勸官散官一人莅之天津橋中橋則以衛士拊撈凡舟渠之備皆先優其半柳塞竹簾所在供焉

唐改津尉曰令有錄事一人府一人史二人典事三人津吏五人橋丁各三十人匠各八人京兆河南諸津隸都水監便橋渭橋萬年三橋有丞一人從九品下府一人史七人典事二人掌固二人貞觀中廢

十六衛左右衛上將軍各一人從二品大將軍各一人正三品將軍各二人從三品掌宮禁衛凡五府及外府皆總制焉凡五府三衛及折衝府驍騎番上者受其

一、人、官、言、集、房

各據而配以職皇帝御正殿則守諸門及內廂宿衛
仗非上日亦將軍一人押仗將軍缺以中郎將代將
軍掌武上將軍之事左右驍衛左右武衛左右威衛
左右領軍左右金吾左右監門衛上將軍以下品同

武德五年改左右驍衛曰左右衛府左右驍衛衛
曰左右驍衛府左右屯衛曰左右威衛左右集衛

曰左右領軍衛左右備身府曰左右府唯左右武
衛府左右監門府左右候衛仍隋不改顯慶五年

改左右府曰左右千牛府龍朔二年左右衛府驍
衛府武衛府皆省府字改左右威衛曰左右武威

衛左右領軍衛曰左右武衛左右候衛曰左右金
吾衛左右監門府曰左右監門衛左右千牛府曰

左右千牛衛衛後又曰左右千牛衛咸亨元年改左
右武威衛曰領軍衛武后光宅元年改左右驍衛曰

左右武威左右武衛曰左右驍衛左右威衛曰
左右豹衛左右領軍衛曰左右玉鈴衛貞元二

年初置十六衛上將軍左右衛有餘事一人府一
人史二人亭長八人掌固四人

長史各一人從六品上掌判諸曹五府外府康祿卒
伍軍閣之名數按城軍馬之多少小事得專達每歲

秋費大將軍考課
錄事參軍各一人正八品上掌受諸曹及五府之
外府事句稽抄目印給紙筆

倉曹參軍各二人正八品下掌五府文官勳考假
使祿俸公廩田園食料醫藥過所自倉曹以下同品

有府二人史四人兵曹府四人史七人騎曹府二
人史四人賈曹府三人史三人武后長安初改錄

曹曰賈曹中宗即位復舊先天元年又曰賈曹開
元初諸衛司倉司兵騎兵參軍改曰倉曹兵曹騎

曹賈曹參軍事
兵曹參軍事各二人掌五府武官宿衛番第受其名
數而大將軍配焉

騎曹參軍事各一人掌外府雜畜簿帳牧養凡府馬
承直以遠近分七番月一易之以勅出官城者給馬

賈曹參軍事各一人掌兵械公廩興繕調議大朝會
行從則受黃質甲鐵弓矢於衛尉

奉車都尉掌取副車有其名而無其人大陳設則他
官攝騎馬都尉無定員與奉車都尉皆從五品下司

階各二人正六品上中候各三人正七品下司戈各
五人正八品下執戟各五人正九品下長上各二十

五人從九品下
武后天授二年置諸衛司階中候司戈執戟兩之
四名官

親衛之府一曰親衛府勳衛之府二一曰勳一府二曰
勳二府翊衛之府三一曰翊一府二曰翊二府凡五

府每府中郎將一人正四品下左右郎將一人正五
品上親衛正七品上勳衛從七品上翊衛正八品上

總四千九百六十三人兵曹參軍事各一人正九品
上校尉各五人正六品上每校尉有旅帥二人從六

品上每旅帥有隊正二十人正七品上副隊正二
十人正七品下五府中郎將掌領校尉旅帥親衛勳

衛之屬宿衛者而總其府事左右郎將貳焉番上者
以名簿上于大將軍而配以職武德貞觀世重資蔭

二品三品子補親衛二品會孫三品孫四品子職事

官五品子若孫勳官三品以上有封及國公子補勳
衛及率府親衛四品孫五品及上柱國子補翊衛及

率府勳衛勳官二品及縣男以上散官五品以上子
若孫補諸衛及率府翊衛王府執仗親事執親親事

每月番上者數千人宿衛內廡及城門給東食執扇
三衛三百人擇少壯肩膊齊儼容整美者本衛印臂

送殿中省肄習仗下每番三衛一人為太僕寺引輕
其後入官路親三衛非權勢子弟輒違番性國子有

白首不得進者流外雖部不數年給祿廢故三衛益
賤人罕趨之

有錄事一人府一人史三人親衛勳衛置驛騎將
軍車騎將軍翊衛置車騎將軍武德七年改驛騎

將軍為中郎將軍騎將軍皆為郎將分左右以親
衛曰一府勳衛翊衛曰二府謂之三府衛諸衛翊

衛及率府親衛亦曰三衛未徵三年避太子諱
改中郎將曰旅賁郎郎將曰翊軍郎太子廢復舊

左右驍衛上將軍各一人大將軍各一人將軍各二
人掌同左右衛左右翊衛之翊衛外府約騎番上者分

配之凡分兵守諸門在皇城四面官城內外則與左
右衛分知助鋪長史各一人錄事參軍事各一人倉

曹參軍事各二人兵曹參軍事各二人騎曹參軍事
各一人賈曹參軍事各一人左右司階各二人左右

中候各三人左右司戈各五人左右執戟各五人左
右翊中郎將府中郎將各一人左郎將各一人右郎

將各一人兵曹參軍事各一人校尉各五人旅帥各
十人隊正各二十人副隊正各二十人

有錄事一人史二人亭長一人掌固四人倉曹府

二人史一人兵曹府三人史五人騎曹府二人史
四人曹曹府三人史三人左右翊中郎將府錄事
一人府一人史二人

左右武衛上將軍各一人大將軍各一人將軍各二
人掌同左右衛凡翊府之翊衛外府應集番上者分
配之長史各一人錄事參軍事各一人倉曹參軍事
各二人兵曹參軍事各二人騎曹參軍事各一人曹
曹參軍事各一人左右司階各二人左右中候各三
人左右司戈各五人左右執戟各五人長上各二十
五人左右翊中郎將府官同驍騎

有稱長二人錄事一人史二人亭長二人掌固四
人倉曹府二人史四人兵曹府三人史五人騎曹
府二人史四人曹曹府三人史三人稱長掌唱警
為應鑼之節

左右武衛上將軍各一人大將軍各一人將軍各二
人掌同左右衛凡翊府之翊衛外府羽林番上者分
配之凡分兵主守則知皇城東面助鋪長史各一人
錄事參軍事各一人倉曹參軍事各二人兵曹參軍
事各二人騎曹參軍事各一人曹曹參軍事各一人
左右司階各二人左右中候各三人左右司戈各五
人左右執戟各五人長上各二十五人左右翊中郎
將府官同驍衛

有錄事一人史二人亭長二人掌固四人倉曹府
二人史四人兵曹府三人史五人騎曹府二人史
四人曹曹府三人史三人

左右領軍衛上將軍各一人大將軍各一人將軍各
二人掌同左右衛凡翊府之翊衛外府射擊番上者

分配之凡分兵主守則知皇城西面助鋪及京城苑
城諸門長史各一人錄事參軍事各一人倉曹參軍
事各二人兵曹參軍事各二人騎曹參軍事各一人
曹曹參軍事各一人左右司階各二人左右中候各
三人左右司戈各五人左右執戟各五人長上各二
十五人左右翊中郎將府官同驍衛

有錄事一人史二人亭長二人掌固四人倉曹府
二人史四人兵曹府三人史五人騎曹府一人史
四人曹曹府三人史三人

左右金吾衛上將軍各一人大將軍各一人將軍各
二人掌同中京城巡警烽候道路水草之宜凡翊府
之翊衛及外府伏飛番上皆屬焉師田則執左右營
之禁衛衛衛官將軍以下及千番番上者皆配以
職大功役則與御史循行凡散幕故氈以給病坊
兵曹參軍事掌外府雜畜簿帳牧養之事

騎曹參軍事掌外府雜畜簿帳牧養之事
曹曹參軍事掌同左右衛大朝會行從給青龍旗儀
衛於衛尉長史各一人錄事參軍事各一人倉曹參
軍事各二人兵曹參軍事各二人騎曹參軍事各一
人曹曹參軍事各一人左右司階各二人左右中候
各三人左右司戈各五人左右執戟各五人左右街
使各一人判官各二人左右翊中郎將府官如驍衛

有錄事一人史二人倉曹府二人史四人兵曹府
三人史五人騎曹府二人史四人曹曹府三人史
三人左右街典二人引駕仗三衛六十人引駕仗

飛六十六人太角手六百六人隋有察非據至唐廢
左右翊中郎將府中郎將掌領府屬營京城左右六

街鋪巡警以果毅二人助巡探入閣日中郎將一人
升殿受狀衛士六百為大角手六番開習吹大角為
昏明之節諸營壘候以進退

左右街使掌分察六街微巡凡城門坊角有武侯鋪
衛士強騎分守大城門百人大鋪三十人小城門二
十人小鋪五人日暮鼓八百聲而門閉乙夜街使以
騎卒循行警諱武官暗探五更二點鼓自內發諸衛
鼓承振坊市門皆啓鼓三千搥辨色而止

左右監門衛上將軍各一人大將軍各一人將軍各
二人掌諸門禁衛及門籍文武官九品以上每月送
籍於引駕仗及監門衛衛以帳報內門凡朝參奏事
待詔官及徽扇儀仗出入者閱其數以物貨器用入
宮者有籍有傍左監門將軍判入右監門將軍判出
月一易其籍行幸則率屬於衛門監守

長史掌判諸曹及禁門巡視出入而司其籍傍餘同
左右衛兵曹參軍事兼掌倉曹曹曹曹曹曹曹曹
左右翊中郎將府中郎將掌遊官殿城門皆左入右
出中郎將各四人長史各一人錄事參軍事各一人
兵曹參軍事各一人曹曹參軍事各一人

有錄事一人史二人亭長二人掌固二人兵曹府
三人史五人曹曹府三人史四人監門校尉三百
二十人直長六百八十人長入長上二十人直長
長上二十人監門校尉尉叙出入唐改監門府郎
將為將軍

左右千牛衛上將軍各一人大將軍各一人將軍各
二人掌侍衛及供御兵仗以千牛備身左右執弓箭
宿衛以主仗守戎器朝日領備身左右升殿列侍親

古今圖書集成

射則率屬以從習曹參軍事掌甲仗督御仗之物二百一十有九羽儀之物三百自千牛以下分掌之上日執御弓箭者亦自備以入宿主仗每月上則配以職行從則兼騎曹中郎將各二人長史各一人錄事參軍事各一人兵曹參軍事各一人曹曹參軍事各一人

唐改備身郎將曰將軍備身將曰中郎將千牛左右備身左右曰千牛備身初置備身主仗有錄事一人史二人亭長二人掌固四人兵曹府一人史二人曹曹府一人史一人千牛備身十二人備身左右十二人備身二百人主仗一百五十人千牛備身掌執御刀服花鈿繡衣綠執象笏宿衛侍從備身左右掌執御弓矢宿衛侍從備身掌宿衛侍從主仗掌守供御兵仗

左右羽中郎將府中郎將掌供奉侍衛凡千牛及備身左右以御刀仗升殿供奉者皆上將軍領之中郎將佐其職有口勅通事舍人承傳聲不下聞者中郎將宣告

諸衛折衝都尉府每府折衝都尉一人上府正四品上中府從四品下下府正五品下左右果毅都尉各一人上府從五品下中府正六品上下府正六品下別將各一人上府正七品下中府從七品上下府從七品下長史各一人上府正七品下中府從七品上下府從七品下兵曹參軍事各一人上府正八品下中府正九品下下府從九品上校尉五人從七品下旅帥十人從八品上隊正二十人正九品下副隊正二十人從九品下折衝都尉掌領屬備衛衛師役則

總戎具資糧點習以三百人為團一校尉領之提鋪持更者晨夜有行人必問不應則彈弓而響之復不應則旁射又不應則射之盡以排門人遠望暮夜以持更人遠聽有衆而寡則告主帥

左右果毅都尉掌武都尉

每府有錄事一人府一人史二人兵曹府二人史二人每隊正領兵五十人武德元年改鷹揚都尉曰軍頭正四品下鷹擊都尉曰副正五品上司馬曰長史正八品下校尉正六品下旅帥正七品下廢越騎步兵二校尉及察非律又改軍頭曰驃騎將軍府副曰車騎將軍皆為府諸率府置驃騎將軍五人車騎將軍十人二年以車騎將軍府隸驃騎府置十二軍分關內諸府皆隸焉每軍將軍一人副一人至六年廢七年改驃騎將軍府為統軍府車騎將軍為別將八年復置十二軍貞觀十年改統軍府曰折衝都尉別將曰果毅都尉軍坊置坊主一人檢校戶口勸課農桑以本坊五品勳官為之三輔及近畿州都督府皆置府凡六百三十三永徽中廢長史置司馬一人總司兵司騎二局武后垂拱中以千二百人為上府千人為中府八百人為下府亦縣為赤府縣縣為畿府聖歷元年廢司馬置長史兵曹參軍事又有別將一人從六品下居果毅都尉之次其後分左右各一人尋廢久之復置一人降其品開元初衛士為武士諸衛折衝果毅別將擇有行者為展仗押官右羽林軍十五人左羽林軍二十五人衣服同色諸衛有弩手左右衛衛各八十五人餘衛各八十三人

左右羽林軍大將軍各一人正三品將軍各三人從三品掌統北衙禁兵督攝左右兩廂飛騎儀仗大朝會則周衛階陛巡幸則夾馳道為內仗凡飛騎番上者配其職有勅上南衙者大將軍承勅白移於金吾引駕仗官與監門奏覆降墨勅然後乃得入長史各一人從六品上錄事參軍事各一人正八品上倉曹參軍事各一人倉曹參軍事各一人正八品上倉曹參軍事各一人自倉曹參軍事以下皆正八品下司階各二人正六品上中候各三人正七品下司戈各五人正八品上執戟各五人正九品下長上各十人左右羽衛中郎將府中郎將一人正四品下左右中郎一人左右郎將一人皆正五品上兵曹參軍事一人正九品上校尉五人旅帥十人隊正二十人副隊正二十人

有錄事一人史二人亭長二人掌固四人倉曹兵曹各府二人史四人曹曹府史各二人左右羽中郎將府錄事一人府一人史二人倉曹兵曹各府二人史四人曹曹府史各二人左右龍武軍大將軍各一人正三品將軍各一人正三品將軍各一人從三品掌同羽林長史錄事參軍事倉曹參軍事兵曹參軍事曹曹參軍事各一人司階各二人中候各三人司戈執戟各五人長上各十人景雲元年置龍武將軍與元元年六軍各置統軍貞元三年龍武軍增將軍一員有錄事一人史二人亭長二人掌固四人倉曹府二人史四人兵曹府二人史四人曹曹府史各二人左右神武軍大將軍各一人正三品將軍各一人正

三品將軍三人從三品總衛前射生兵長史錄事參軍事會曹參軍事兵曹參軍事曹參軍事各一人司階各二人中候各三人司戈執戟各五人長上各十人

有錄事一人史二人倉曹兵曹曹府史皆如神武軍開元二十六年分羽林置左右神武軍尋廢至德二年復置

左右神策軍大將軍各一人正二品統軍各二人正三品將軍各四人從三品掌衛兵及內外八鎮兵護軍中尉各一人中護軍各一人判官各三人都不判官二人勾覆官各一人表奏官各一人支計官各一人孔目官各二人驅使官各二人自長史以下員數如龍武軍

左右龍武左右神武左右神策號六軍貞元二年神策軍置大將軍將軍十四年置統軍品秩同六軍始殿前左右神威軍有大將軍二人正二品統軍二人從三品將軍二人從五品元和初爲一軍號天威軍八年廢以軍謀神策有馬軍步軍將軍及指揮使等以馬軍大將軍知軍事天復三年廢神策軍四年復置神策軍

東宮官

太子太師太傅太保各一人從一品掌輔導皇太子每見迎拜殿門三師各拜每門必讓三師坐太子乃坐與三師書前名惶恐後名惶恐再拜太子出則乘路備由導以從

少師少傅少保各一人從二品掌曉三師德行以諭皇太子奉太子以觀三師之道德自太師以下唯其

人不必備

先天元年開府置令丞各一人諫詹事府尋廢太子賓客四人正三品掌侍從規諫贊相禮儀宴會則上齒侍讀無常員掌導導經學

貞觀十八年以宰相兼賓客開元中定員四人太宗時晉王府有侍讀及爲太子亦置焉後或置或否開元初十王宅引辭學工書者入教亦爲侍讀詹事府太子詹事一人正三品少詹事一人正四品上掌統三寺十率府之政少詹事爲之貳皇太子書洞令庶子以下署名奉行書案書曰丞二人正六品上掌判府事知文武官簿假使凡勅令及尚書省二坊符牒下東宮諸司者皆發焉

主簿一人從七品上錄事二人正九品下

隋廢詹事府武德初復置龍朔二年曰端尹府詹事曰端尹少詹事曰少尹武后光宅元年改曰宮尹府詹事曰宮尹少詹事曰少尹有令史九人書令史十八人

司直一人正七品上掌糾劾官寮及率府之兵皇太子朝則分知東西班監國則詹事庶子爲三司使司直一人與司議郎各人分日受理啓狀太子出則分察由簿之內

有令史一人書令史二人掌長四人掌固六人左春坊左庶子二人正四品上中允二人正五品下掌侍從贊相較正啓奏總司經典應典庫內直典設宮門六局皇太子出則版奏外辦中殿入則解嚴凡令書下則與中允司議郎等書諸覆審留所書以爲案更寫印署注令詒送詹事府

司議郎二人正六品上掌侍從規諫較正啓奏凡皇太子出入朝調從祀釋奠講學監國之命可傳於史冊者錄爲記注宮坊祥舊官長除拜薨卒歲終則錄送史館

左論德一人正四品下掌論皇太子以道德隨事風贊皇太子朝官臣則列侍左階出入騎從左贊善大夫五人正五品上掌傳令諷過失贊禮儀以經教授諸郡王錄事二人從八品下主事三人從九品下

隋有內允武德三年改曰中舍人諫門下坊貞觀初曰中允十八年置司議郎未徵三年避皇太子名復改中允曰內允太子廢復舊龍朔二年改門下坊曰左春坊左庶子曰左中護中允曰左贊善大夫司議郎不分左右置左右論德各一人咸亨元年皆復舊司議郎不分左右其後論德廢而司議郎復分儀鳳四年置左右贊善大夫各十人以同姓爲之景雲二年始兼用庶姓改門下坊曰左春坊復置論德庶子以比侍中中允以比門下侍郎司議郎以比給事中贊善大夫以比諫議大夫論德以比散騎常侍右坊則庶子以比中書令中舍人以比中書侍郎太子監國則庶子比尚書令有令史六人書令史十二人傳令四人掌儀一人贊者三人掌長三人掌固十人

崇文館學士二人掌經籍圖書教授諸生課試舉送如弘文館校書郎二人從九品下掌校理書籍貞觀十三年置崇賢館顯慶元年置學生二十人上元二年選太子名改曰崇文館有學士直學士

及鑄校皆無常員無其人則庶子領館事開元七年改鑄校曰校書郎乾元初以宰相爲學士總館事貞元八年諫左春坊有館生十五人書直一人令史二人書令史二人典書二人榻書手二人楷書手十人熟紙匠一人裝潢匠二人筆匠一人司經局洗馬二人從五品下掌經籍出入侍從圖書上東宮者皆受而藏之

文學三人正六品下分知經籍侍奉文章校書四人正九品下正字二人從九品上掌校刊經史

唐改太子正書曰正字龍朔三年改司經局曰桂坊罷諫左春坊領崇賢館比御史臺以詹事二人爲令比御史大夫司直二人比侍御史以洗馬爲司經大夫置文學四人錄事一人正九品下三年改司經大夫曰桂坊大夫糾正違失咸亨元年復諫左春坊省錄事有書令史二人書吏二人典書四人楷書二十五人掌固六人裝潢匠二人熟紙匠筆匠各一人

典膳局典膳郎二人從六品下丞二人正八品上掌進膳嘗食承爲之祿每夕更直於廚

龍朔二年改典膳監曰典膳郎有書令史二人書吏四人主食六人典食一百人掌固四人

樂藏局樂藏郎二人從六品下丞二人正八品上掌和樂樂承爲之祿皇太子有疾侍醫診候議方藥將進宮臣流當如尚藥局之職

有書令史一人書吏二人侍醫四人典藥二人樂童六人掌固四人

內直局內直郎二人從六品下丞二人正八品下掌符璽衣服繳扇几案筆硯垣牆

龍朔二年改監曰內直郎副監曰丞有令史一人書吏二人典服十二人典扇八人典輪八人掌固六人武德中有典璽四人開元中啓

典設局典設郎四人從六品下丞二人正八品下掌湯沐燈燭汛掃鋪設凡皇太子散齋別殿致齋正殿前一日設帳坐於東序及室內張帷前殿

龍朔二年改齋師局曰典設局齋師曰郎有書令史二人書吏四人幕士二百四十五人掌固十二人

宮門局宮門郎二人從六品下丞二人正八品下掌宮門管籥凡夜漏盡擊漏鼓而開夜漏上水一刻擊漏鼓而閉鼓終行儀則先一刻而啓皇太子不在則闔正門還仗如常凡宮中唱時不鼓

龍朔三年改宮門監曰宮門郎有書令史一人書吏一人門僕百人掌固四人

右春坊右庶子二人正四品下中舍人二人正五品下掌侍從獻納啓奏中舍人爲之祿皇太子監國下令書則書曰至春坊則庶子宣傳中舍人奉行

太子舍人四人正六品上掌令書表啓諸臣上皇太子大事以牋小事以啓其封題皆上右春坊通事舍人以進

通事舍人八人正七品下掌導官臣辭見承令勞問右論德一人右贊善大夫五人錄事一人主事二人品皆如左春坊

隋內舍人諫典書坊武德初改曰中舍人管記舍

人曰太子舍人永徽元年遷太子名復改中舍人曰內舍人龍朔三年改典書坊曰右春坊右庶子曰右中護中舍人曰右贊善大夫舍人曰右司議郎有令史九人書令史十八人傳令四人典調四人亭長六人掌固十人

家令寺家令一人從四品上掌飲膳倉儲總食官典倉司藏三署皇太子出入則乘輅車爲導祭祀賓客則供酒食賜予則奉金玉貨幣凡牀几茵席器物非取於將作少府者皆供焉丞二人從七品下掌判寺事凡三署出納皆判於詹事莊宅田園審肥瘠爲收斂之數官朝坊府土木管繕則下於司藏主簿一人正九品下

唐改司府令曰家令龍朔二年改家令寺曰宮府寺家令曰大夫有錄事一人府十人史二十人亭長四人掌固四人雜匠百人

食官署令一人從八品下丞二人從九品下掌飲膳酒醴凡四時供送設食皆領焉供六品以下元日晝食冬至食於家令府者

有府二人史四人掌膳四人供膳百四十人奉解三十人

典倉署令一人從八品下丞二人從九品下掌九穀醴醢庶羞器血燈燭凡園圃樹藝皆受令焉每月籍出納上於寺歲終上詹事府給戶奴婢番戶雜戶資糧衣服

有府三人史五人園丞二人史二人

司藏署令一人從八品下丞二人從九品下掌庫藏財貨出納管繕

有府三人史四人計史二人

率更寺令一人從四品上掌宗族次序禮樂刑罰及漏刻之政太子釋奠講學齒胄則總其儀出入乘輅車爲導居家令之次坊寺府有罪者論罰庶人杖以下皆送大理皇太子未立則斷於大理

丞一人從七品上掌承令事官臣有犯理於率更者躬問被罪而上於詹事

主簿一人正九品下掌印局凡宗族不序禮儀不節音律不諧漏刻不審刑名不法皆舉而正之決囚則與丞同泣

龍朔二年改曰司更寺令曰司更大夫有錄事一人府三人史四人漏刻博士二人掌漏六人漏童二十人典鐘典鼓各十二人亭長四人掌固四人漏刻博士掌牧漏刻

僕寺僕一人從四品上掌車輿乘騎儀仗喪葬總旌牧署太子出則率旌牧令進路親駟

丞一人從七品上掌判寺事凡馬畜芻粟歲以季夏上於詹事以時出入而節其數

主簿一人正九品下掌旌牧畜養車騎駕馭儀仗龍朔二年改曰馭僕寺僕曰大夫有進馬十一人錄事一人府三人史五人亭長二人掌固三人

旌牧署令一人從八品下丞二人從九品下掌車馬閑旌牧畜皇太子出則率典乘先期習路馬率駕士馭車乘旌出進路式路車於西閤外南向以俟凡羣牧隸東宮者皆受其職事典乘四人從九品下

有府三人史六人翼馭十八人駕士十五人掌閑六百人獸醫十人主酪三十人翼馭掌調馬執馭

太子左右率府率各一人正四品上副率各二人從四品上掌兵仗儀衛凡諸曹及三府外府皆隸焉元日冬至皇太子朝宮臣諸方使則率衛府之屬爲衛每月三府三衛及五府超乘番上者配以職

武德五年改左右侍率曰左右衛率府左右武侍衛率曰左右宗衛率府左右宮門將曰左右監門

率府龍朔二年改左右衛率府曰左右典儀衛左右宗衛率府曰左右司禦率府左右虞候率府曰

左右清道衛左右內率府曰左右奉裕衛左右監門率府曰左右崇掖衛武后垂拱中改左右監門

率府曰左右鶴禁衛神龍元年改左右司禦率府曰左右宗衛府左右清道衛曰左右虞候率府景

雲二年左右宗衛府復曰左右司禦率府開元初左右虞候率府復曰左右清道率府

長史各一人正七品上掌判諸曹府季秋以屬官功狀上於率而爲考課

錄事參軍事各一人從八品上倉曹參軍事兵曹參軍事曹參軍事騎曹參軍事各一人從八品下倉

曹掌文官簿書兵曹掌武官簿書曹掌器械公廩營繕司皆各一人從六品上中候各二人從七品下

司戈各二人從八品上執戟各三人散長上各十人從九品下左右司禦清道監門內率府自率以下品

同

有錄事一人府一人史一人倉曹府一人史二人兵曹曹府各一人史三人騎曹府五人史七人

亭長掌固各二人

親府勳府翊府三府每府中郎將各一人從四品上

左右郎將各一人正五品下中郎將郎將掌其府校尉旅帥及親勳翊衛之屬宿衛而總其事

兵曹參軍事各一人從九品上掌判句大朝會及皇太子出則從南道而置其儀親衛從七品上勳衛正

八品上翊衛從八品上員皆亡校尉各五人從六品上旅帥各十人正七品下隊正各二十人從八品上

武德元年改功曹曰親衛義曹曰勳衛良曹曰翊衛置三府有錄事二人府史各一人

太子左右司禦率府率各一人正四品上副率各二人從四品上掌同左右衛凡諸曹及外府旅賁番上

者隸焉長史各一人正七品上錄事參軍事各一人從八品上倉曹參軍事兵曹參軍事曹參軍事騎

曹參軍事各一人從八品下司階各一人中候各二人司戈各二人執戟各三人親衛勳衛翊衛三府中

郎將以下如左右衛率府

有錄事一人史一人倉曹府一人史二人兵曹府三人史三人曹曹府史各二人亭長一人掌固二

人

太子左右清道率府率各一人副率各二人掌晝夜巡警凡諸曹及外府直廬番上者隸焉皇太子出入

則以清游隊先導後拒除爲殿長史各一人錄事參軍事各一人從八品上倉曹參軍事兵曹參軍事曹

曹參軍事各一人從八品下左右司階各一人左右中候各二人左右司戈各一人左右執戟各三人親

衛勳衛翊衛三府中郎將以下如左右衛率府

有錄事一人史二人亭長二人掌固二人倉曹府一人史二人兵曹府二人史三人曹曹府二人史

二人細引押仗五十人

太子左右監門率府率各一人副率各二人掌諸門禁衛凡財物器用出者有籍長史各一人錄事參軍事各一人正九品上兵曹參軍事各一人正九品下兼領倉曹曹參軍事各一人正九品下監門直長七十八人從七品下

唐改宮門將曰監門率直事曰直長有錄事一人史二人亭長一人掌固二人兵曹府二人史二人曹曹府二人史三人

太子左右內率府率各一人副率各一人掌千牛供奉之事皇太子坐日領千牛升殿射于射官則千牛率弓矢立東階西面率率弓副率率矢決拾北面張弓左執射右執簫以進副率以弓拂矢而進各退立於位既射左內率啓其中否長史各一人錄事參軍事各一人正九品上兵曹參軍事各一人正九品下兼領倉曹曹參軍事各一人正九品下千牛各四十四人從七品上

唐置兵曹改司使左右復曰千牛備身主射左右復曰備身左右弓箭備身去弓箭之名龍朔二年改千牛備身曰奉裕開元中千牛備身備身左右并爲千牛有備身二十八人主仗四十人錄事一人史二人兵曹府一人史二人曹曹府一人史一人

欽定古今圖書集成經濟彙編銓衡典

第三十八卷目錄

官制部彙考十六

唐四

銓衡典第三十八卷

官制部彙考十六

唐四

按唐書百官志王府官傳一人從三品掌輔正過失
諫議參軍事一人正五品上掌計謀議事友一人從
五品下掌侍游處規諷道義侍讀無定員文學一人
從六品上掌校典牘侍從文章東西閣祭酒各一人
從七品上掌禮賢良導賓客

自祭酒以下爲王官武德中置師一人常侍二
人侍郎四人皆掌表啓疏贊相禮儀舍人四人
掌通傳引納謁者二人舍人二人諮議參軍事友
皆正五品下文學祭酒皆正六品下高宗中宗時
相王府長史以宰相兼之魏徵衛王府以尚書兼
之徐韓二王爲刺史府官同外官資望愈下永淳
以前王未出閣則不開府天授二年置皇孫府官
元宗諸子多不出閣王官益輕而員亦減矣景雲
二年改師曰傳開元二年廢尋復置廢常侍侍郎
謁者舍人開成元年改諸王侍讀曰奉諸王講讀

大初復舊

長史一人從四品上司馬一人從四品下皆掌統府
僚紀綱職務一掌通判功曹曹書曹戶曹曹屬一
人皆正六品上掌通判兵曹騎曹法曹士曹曹主簿
一掌覆省書教記室參軍事二人掌表啓書疏錄
事參軍事一人皆從六品上掌付事句稽省署鈔目
錄事一人從九品下功曹參軍事掌文官簿書考課
陳設倉曹參軍事掌祿廩廚膳出納市易收漁筭
戶曹參軍事掌封戶僮僕弋獵過所兵曹參軍事掌
武官簿書考課儀衛假使騎曹參軍事掌版收騎乘
之物器械法曹參軍事掌按訊決刑士曹參軍事掌
土功公廩自功曹以下各一人正七品上參軍事二
人正八品下行參軍事四人從八品上皆掌出使雜
檢校典籤二人從八品下掌宣傳書教

武德中改功曹以下書佐法曹行書佐士曹佐皆
曰參軍事長兼行書佐曰行參軍府城局參軍事
又有諸曹參軍事二人掌儀衛兵仗田曹參軍事
一人掌公廩職田弋獵水曹參軍事二人掌舟船
漁捕駕草皆正七品下家吏二人百司問事謁者
一人正七品下司閤一人正九品下貞觀中廢
曹田曹水曹武后時家吏以下皆廢主簿記室有
史二人錄事功曹倉曹兵曹騎曹法曹士曹各府
二人史二人戶曹府史各二人自典籤以上爲府
官郡王嗣王不置長史
親事府典軍二人正五品上副典軍二人從五品上
皆掌校尉以下守衛陪從兼知鞍馬校尉五人從六
品上旅帥從七品下除正從八品下除副從九品下

皆掌領事帳內陪從自旅帥以下視親事多少乃置
帳內府典軍二人正五品上副典軍二人從五品上
自校尉以下員如親事府

初典軍以武官及流外爲之領執仗帳內等兼王
齊王府置左右六護軍府左右親軍府左右帳內
府左右一護軍府護軍各一人副護軍各二人
長史錄事參軍事倉曹兵曹錄事參軍事各一人
統軍各五人別將各一人左右二護軍府左右三
右三護軍府減統軍三人別將六人左右親軍府
統軍各一人長史各一人錄事參軍事兵曹錄事
參軍事左別將右別將各一人帳內府職員與護
軍府同又有庫直錄親事府監直親帳內府選
材勇爲之貞觀中庫直以下皆廢親事府有府一
人史二人執仗親事十六人執弓仗執乘親事十
六人掌俱騎乘親事二百三十人帳內府有府一
人史一人帳內六百六十七人
親王國令一人從七品下大農一人從八品下掌判
國司尉一人正九品下丞一人從九品下學官長丞
各一人掌教授內人食官長丞各一人掌管膳食
牧長丞各二人掌畜牧典府長丞各二人掌府內雜
事長皆正九品下丞皆從九品下
有典衛八人掌守衛陪從舍人四人錄事一人府
四人史八人
公主邑司令一人從七品下丞一人從八品下掌公
主財貨粟積田園主簿一人正九品下錄事一人從
九品下督封租主家財貨出入
有史八人謁者二人舍人二人家史二人

古今圖書集成

外官

天下兵馬元帥副元帥都統副都統行軍長史行軍司馬行軍左司馬行軍右司馬判官掌書記行軍參謀前軍兵馬使中軍兵馬使後軍兵馬使中軍都虞候各一人元帥都統招討使掌征伐兵罷則省都統總諸道兵馬不賜旌節

高祖起兵置左右領軍大都督各總三軍及定京師置左右元帥太原道行軍元帥西討元帥皆親王領之天寶末置天下兵馬元帥都統朔方河東河北平盧節度使招討都統之名始於此大曆八年罷天下兵馬元帥建中四年以李希烈反置諸軍行營兵馬都元帥興元元年置副都統會昌中置靈夏六道元帥黃巢之難置諸道行營都統天福二年置諸道兵馬元帥尋復改曰天下兵馬元帥

行軍司馬掌弼戎政居則習蒐狩有役則申戰守之法器械糧餉軍器賜予皆專焉

武德元年改贊治曰治中太宗即位曰司馬下州亦置焉顯慶二年置洛州司馬武后大足元年東都北都雍州揚州益州置左右司馬神龍二年省太極元年雍洛四大都督府增司馬一人亦分左右掌書記掌朝覲聘問慰薦祭祀祝文與號令升絀之事行軍參謀關豫軍中機密

景龍元年置掌書記開元十二年罷行軍參謀尋復置

節度使副大使知節度事行軍司馬副使判官支使掌書記推官巡官衙推各一人同節度副使十人節

驛巡官四人府院法直官要籍逐要親事各一人體

軍四人節度使封郡王則有奏記一人兼觀察使又有判官支使推官巡官衙推各一人又兼安撫使則有副使判官各一人兼支度使復有遣運判官巡官各一人節度使掌總軍旅誅殺初授具帑括兵仗詣兵部詳見觀察使亦如之辭曰賜雙旌雙節行則建節樹六幕中官祖送次一驛輒上聞入境州縣築節樓迎以鼓角衙仗居前旌幢居中將鳴珂金鉦鼓角居後州縣齎印迎於道左觀事之日設禮樂高尺有二寸方八尺判三案節度使判宰相觀察使判節度使團練使判觀察使三日洗印視其刻缺歲以八月

考其治否銷兵爲上考足食爲中考邊功爲下考觀察使以豐稔爲上考省刑爲中考辦稅爲下考團練使以安民爲上考懲姦爲中考得情爲下考防禦使以無虞爲上考清苦爲中考政成爲下考經略使以計度爲上考集事爲中考修造爲下考罷秩則交廳以節度使印自隨隨觀察使營田等印以節官主之銀節樓節堂以節院使主之祭奠以時入朝未見不入私第京兆河南牧大都督大都護皆親王遙領兩府之政以尹主之大都督府之政以長史主之大都護府之政以副大都護主之副大都護則兼王府長史其後有特節爲節度副大使知節度事者正節度也諸王拜節度大使者皆留京師

觀察使副使支使判官掌書記推官巡官衙推隨軍要籍進奏官各一人

團練使副使判官推官巡官衙推各一人

防禦使副使判官推官巡官各一人觀察處置使掌

察所部善惡舉大綱凡奏請皆屬於州貞觀初遣大使十三人巡省天下諸州水旱則遣使有巡察安撫存撫之名神龍二年以五品以上二十人爲十道巡察使按舉州縣再周而代景雲二年置都督二十四人察刺史以下等惡置司舉從事二人秩比侍御史揚益并荆四州爲大都督汴兗魏冀蒲綿秦洪潤越十州爲中都督皆正三品齊鄭涇襄安潭遂道梁夔十州爲下都督從三品當時以爲權重難制罷之唯四大都督府如故置十道按察使道各一人開元二年曰十道按察使採訪處置使至四年罷八年復置十道按察使秋冬巡視州縣十年又罷十七年復置十道京府兩

畿按察使二十年曰採訪處置使分十五道天寶末又兼黜陟使乾元元年改曰觀察處置使西都東都北都各一人從二品西都東都北都鳳翔成都河中江陵興元興德府尹各一人從三品掌宣德化歲巡屬縣觀風俗錄囚恤養察親王典州則歲以上佐巡縣

武德元年雍州置牧一人以親王爲之然常以別駕領州事永徽中改尹曰長史初太宗伐高麗置京城留守其後車駕不在京都則置留守以右金吾大將軍爲副留守開元元年改京兆河南府長史復爲尹通判府務牧缺則行其事十一年太原府亦置尹及少尹以尹爲留守少尹爲副留守謂之三都留守三都大都督府有典獄十八人同事十二人白直二十四人典獄以防守因禁同事以

行制中府上州典獄十四人問事八人白直二十人下府中州典獄十二人問事六人白直十六人下州典獄八人問事四人白直十六人自三都以下皆有執刀十五人

少尹二人從四品下掌貳府州之事歲終則更次入

計

司錄參軍事二人正七品上錄事四人從九品上功曹倉曹戶曹田曹兵曹法曹士曹參軍事各二人皆正七品下參軍事六人正八品下六府錄事參軍事以下減一人錄事參軍事掌正遺失符印

武德初改州主簿曰錄事參軍事開元元年改曰司錄有吏十人大都督府有吏四人中府有吏三人下府都護府上州中州下州各有吏二人

功曹司功參軍事掌考課假使祭祀禮樂學校表疏書啓祿食料異醫藥下並陳設喪葬

武德初司功司會司戶司兵司法司士曹佐皆爲

司功等參軍事有府四人史十人大都督府有府三人史六人中府有府二人史三人下府有府一人史二人大都護府有府一人史二人上府有府史各二人上州有佐二人史五人中州減史二人倉曹司倉參軍事掌相調公廩庖廚倉庫市肆

有府五人史十三人大都督府有府四人史六人

中府下府各有府三人史五人都護府有府史各

二人上州有佐二人史五人中州下州減史二人

戶曹司戶參軍事掌戶籍計帳道路過所簿符雜徭

逋負良賤屬籍逆旅婚姻田訟旌別孝悌

有府八人史十六人帳史二人知籍按帳目提錢

大都督府有府四人史七人帳史二人中府有府三人史五人帳史一人下府有府二人史五人帳史一人上州有佐四人史六人帳史一人中州有佐三人史五人帳史一人下州有佐一人史四人帳史一人

田曹司田參軍事掌園宅口分末業及蔭田

景龍三年初置司田參軍事唐隆元年省上元二年復置有府四人史十人大都督府有府二人史六人中府有府史各二人下府有府一人史二人上州有佐二人史五人中州下州減史二人

兵曹司兵參軍事掌武官選兵甲器仗門禁管衛軍

防烽候傳驛收據

有府六人史十四人大都督府有府四人史八人中府有府三人史六人下府有府二人史五人都護府有府三人史四人上州有佐二人史五人中州減史二人

法曹司法參軍事掌鞠獄羅法官盜賊知贓賄沒入

有府六人史十四人大都督府有府三人史八人中府有府三人史六人下府有府二人史五人上州有佐四人史七人中州有佐一人史四人下州有佐一人史三人

士曹司士參軍事掌津梁舟車舍宅工藝

有府五人史十一人大都督府有府四人史八人

中府下府有府三人史六人上州有佐二人史五人

人中州有佐一人史四人

參軍事掌出使贊導

武德初改行書佐曰行參軍事又改曰參軍事初

有憲使十五人後省

文學一人從八品上掌以五經授諸生縣則州補州

則授於史部然無職事衣冠恥之

武德初置經學博士助教學生德宗即位改博士

曰文學元和六年廢中州下州文學京兆等三府

助教二人學生八十人大都督府上州各助教一

人中都督府學生五十人下府下州各四十人

醫學博士一人從九品上掌療民疾

貞觀三年置醫學有醫藥博士及學生開元元年

改醫藥博士爲醫學博士諸州置助教寫本草百

一集驗方藏之未幾醫學博士學生皆省僻州少

醫藥者如故二十七年復置醫學博士掌州境巡療

末泰元年復置醫學博士三都都督府上州中州

各有助教一人三都學生二十人都督府上州二

十人中州下州十人

大都督府都督一人從二品長史一人從三品司馬

二人從四品下錄事參軍事一人正七品上錄事二

人從九品上功曹參軍事倉曹參軍事戶曹參軍事

田曹參軍事兵曹參軍事法曹參軍事士曹參軍事

各一人正七品下參軍事五人正八品下市令一人

從九品上文學一人正八品下醫學博士一人從八

品上中都督府都督一人正三品別駕一人正四品

下長史一人正五品上司馬一人正五品下錄事參

軍事一人正七品下錄事二人從九品上功曹參軍

事倉曹參軍事戶曹參軍事田曹參軍事兵曹參軍

事法曹參軍事士曹參軍事各一人從七品上參軍

事四人從八品上市令一人從九品上文學一人從

古今圖書集成

八品上醫學博士一人正九品上下都督府都督一人從三品別駕一人從四品下長史一人從五品上馬一人從五品下錄事參軍事一人從七品上錄事一人從九品上功曹參軍事台曹參軍事戶曹參軍事田曹參軍事兵曹參軍事法曹參軍事書曹參軍事各一人從七品下參軍事三人從八品下文學一人從八品下醫學博士一人正九品上都督掌督諸州兵馬甲械城隍鎮戍糧庫總判府事

武德初邊要之地置總管以統軍加號使持節蓋漢刺史之任有行臺有大行臺其員有尚書省令一人正二品掌管内兵民總判省事有僕射二人從二品掌賦令事自左右丞以下諸司郎中略如京省又有倉貨監一人丞二人掌膳羞財物賓客帳具音樂醫藥有農園監一人丞四人掌倉廩園囿薪炭糴運漕有武器監一人丞二人掌兵械廩牧有百工監一人丞四人掌舟車管作監皆正八品下丞正九品下七年改總管曰都督總十州者為大都督貞觀二年去大字凡都督府有刺史以下如故然大都督又兼刺史而不檢校州事其後都督加使持節則為將諸將亦通以都督稱唯朔方猶稱大總管邊州別置經略使沃衍有屯田之州則置營田使武后聖曆元年以夏州都督領豐州防禦使及安祿山反諸部當賊衝者皆置防禦守捉使乾元元年置團練守捉使都團練守捉使大者領州十餘小者二三州代宗即位廢防禦使唯山南西道如故元載秉政思結人心刺史皆得兼團練守捉使楊綰為相罷團練守捉使唯置

明映典鳳如故連中後行營亦置節度使防禦使都團練使大率節度觀察防禦團練使皆兼所治州刺史都督府則領長史都護或亦別置都護都督府有祿有屬有記室參軍事有典籤武德中省市令一人從九品上掌文書奏議非通判市事貞觀十七年廢市令垂拱元年復置都督府三都諸州各有市丞一人佐一人史二人帥三人分行檢察倉督二人領出納史二人下州省丞

大都護府大都護一人從二品副大都護二人從三品副都護二人正四品上長史一人正五品上馬一人正五品下錄事參軍事一人正七品上錄事二人從九品上功曹參軍事倉曹參軍事戶曹參軍事兵曹參軍事法曹參軍事各一人正七品下參軍事三人正八品下上都護一人正三品副都護二人從四品上長史一人正五品上馬一人正五品下錄事參軍事一人正七品下功曹參軍事倉曹參軍事戶曹參軍事兵曹參軍事各一人從七品上參軍事三人從八品上都護掌統諸蕃撫慰征討牧功嗣通總判府事

上州刺史一人從三品職同牧尹別駕一人從四品下

武德元年改太守曰刺史加使持節丞曰別駕十年改雍州別駕曰長史高宗即位改別駕皆為長史上元二年諸州復置別駕以諸王于為之永隆元年省未淳元年復置景雲二年始參用庶姓天寶元年改刺史曰太守八載諸郡廢別駕下郡置長史一員上元二年諸州復置別駕德宗時復省

元和長慶之際兩河用兵裨將有功者補東官王府官久次當進及受代居京師者常數十人訴宰相以求官文宗世宰相韋處厚建議復置兩輔六

雄十望十緊州別駕

長史一人從五品上馬一人從五品下錄事參軍事一人從七品上錄事二人從九品下司功參軍事一人司倉參軍事一人司戶參軍事二人司田參軍事一人司兵參軍事一人司法參軍事二人司士參軍事一人皆從七品下參軍事四人從八品下市令一人從九品上丞一人從九品下文學一人從八品下醫學博士一人從九品下中州刺史一人正四品下錄事參軍事一人正八品上錄事一人從九品上司功參軍事司倉參軍事司戶參軍事司田參軍事司兵參軍事司法參軍事司士參軍事各一人正八品下參軍事三人正九品下醫學博士一人從九品下下州刺史一人正四品下別駕一人從五品上馬一人從六品上錄事參軍事一人從八品上錄事一人從九品下司倉參軍事司戶參軍事司田參軍事司法參軍事各一人從八品下參軍事二人從九品下諸軍各置使一人五千人以上有副使一人萬人以上有管田副使一人軍皆有倉兵曹三曹參軍事刺史領使則置副使推官衙官州衙推軍衙推京縣令各一人正五品上丞二人從七品上主簿二人從八品上錄事二人從九品下尉六人從八品下主簿令各一人正六品上丞一人正八品下主簿一人正九品上尉二人正九品下上縣令一人從六品